

Broj: 15-03-16-5-51-15/23
Datum: 20.7.2023. godine

Na osnovu člana 61. Zakona o upravi („Službeni glasnik BiH“, br. 32/02, 102/09 i 72/17), člana 69. stav (3) i člana 70. i u vezi sa članom 14a. Zakona o javnim nabavkama („Službeni glasnik BiH“, br. 39/14 i 59/22), te na osnovu člana 19. Zakona o Agenciji za identifikaciona dokumenta, evidenciju i razmjenu podataka Bosne i Hercegovine („Službeni glasnik BiH“, broj 56/08), direktor Agencije za identifikaciona dokumenta, evidenciju i razmjenu podataka Bosne i Hercegovine donosi

ODLUKU o poništenju postupka javne nabavke

Član 1.

Poništava se postupak javne nabavke **nepersonalizovanih registarskih tablica i folija za bojenje tablica**, za koji je objavljeno Obavještenje o nabavci na Portalu javnih nabavki BiH, broj 1110-1-1-27-3-51/23 od 14.7.2023. godine, i provodi se otvorenim postupkom.

Član 2.

Ova odluka se dostavlja svim zainteresovanim ponuđačima u roku od tri (3) dana, a najkasnije u roku od sedam (7) dana od dana donošenja.

Član 3.

Ova odluka stupa na snagu danom objave se na *web* stranici Agencije za identifikaciona dokumenta, evidenciju i razmjenu podataka Bosne i Hercegovine.

O b r a z l o ž e n j e

Agencija za identifikacione dokumente, evidenciju i razmjenu podataka Bosne i Hercegovine (u daljem tekstu: Agencija) je dana 14.7.2023. godine objavila Obavještenje o nabavci na Portalu javnih nabavki BiH, broj 1110-1-1-27-3-51/23 od 14.7.2023. godine, za javnu nabavku nepersonalizovanih registarskih tablica i folija za bojenje tablica.


Po raspisivanju ovog postupka javne nabavke, ustanovljeno je da se u narednom periodu za realizaciju ugovora zaključenih po osnovu planiranog postupka treba izvršiti realokacija finansijskih sredstava. S obzirom na planiranu realokaciju finansijskih sredstava, neophodno je da Agencija izvrši detaljniju provjeru tržišta za javnu nabavku nepersonalizovanih registarskih tablica i folija za bojenje tablica a kako bi se u svemu postupilo u skladu sa članom 14a. Zakona o javnim nabavkama („Službeni glasnik BiH“, br. 39/14 i 59/22) (u daljem tekstu: Zakon).

U cilju omogućavanja tržišne konkurencije, te antidiskriminacije i transparentnosti, predmetni postupak javne nabavke se otkazuje, odnosno poništava na osnovu člana 69. stav (3) Zakona i u skladu sa članom 14a. Zakona. Imajući u vidu nastale okolnosti potrebe realokacije finansijskih sredstava koji se nisu predvidjele u vrijeme pokretanja ovog postupka javne nabavke, kao i neophodnost dodatnih tržišnih informacija za pripremu postupka, a koje su van kontrole Agencije, odlučeno je kao u dispozitivu ove odluke.

Postupak javne nabavke nepersonalizovanih registarskih tablica i folija za bojenje tablica će se nakon ispunjenja neophodnih zakonskih i podzakonskih pretpostavki ponovo raspisati.



Pouka o pravnom lijeku: Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog nezakonitog postupanja Agencije, a što se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje u roku od 10 (deset) dana od dana prijema ove odluke. Žalilac izjavljuje žalbu Kancelariji za razmatranje žalbi Bosne i Hercegovine putem ugovornog organa, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri (3).



DIREKTOR
dr. sci Almir Badnjević

